



Նախագահ Ռոմաս Ս. Մոնսոն

# Բարի գալուստ Համաժողով


*Շնորհակալություն, իմ եղբայրներ և քույրեր, ձեր հավատքի և նվիրումն համար չխուս Բրիտանիա ավետասրահին:*

Որքան լավ է, իմ սիրելի եղբայրներ և քույրեր, կրկին հանդիպել միմյանց: Այս համաժողովով նշվում է Եկեղեցու կազմավորման 180-ամյակը: Որքան երախտապարտ ենք մենք Մարգարեի Չոզենֆ Սմիթի համար, որը փնտրեց ճշմարտությունը, գտավ այն, և Տիրոջ ղեկավարությամբ վերականգնեց ավետարանը և կազմավորեց Եկեղեցին:

1830թ. այդ օրից ի վեր Եկեղեցին անընդմեջ աճում է: Այն շարունակում է փոխել ամեն տարի ավելի ու ավելի շատ մարդկանց կյանքեր ողջ երկրագնդով մեկ, մինչև միսիոներական մեր ուժերը գտնում են նրանց, ովքեր փնտրում են ճշմարտությունը: Մեկ անգամ ևս մենք կոչ ենք անում Եկեղեցու անդամներին օգնել նորադարձներին կամ նրանց, ովքեր վերադառնում են Եկեղեցի, շրջապատել նրանց սիրով և օգնել զգալ իրենց ինչպես տանը:

Շնորհակալություն, իմ եղբայրներ և քույրեր, ձեր հավատքի և նվիրման համար չխուս Բրիտանիա ավետարանին: Շնորհակալություն ձեզ ամեն-ինչի համար, որ անում եք

ձեր ծխերում և ճյուղերում, ցցերում և շրջաններում: Դուք պատրաստակամ և լավ ծառայում եք և մեծ բարիք եք ստեղծում: Թող Տերն օրհնի ձեզ, մինչև դուք ձգտում եք հետևել Նրան և պահել Նրա պատվիրանները:



Մեր վերջին հանդիպումից հետո Եկեղեցին շարունակում է մարդասիրական օգնություն տրամադրել աշխարհի տարբեր վայրերում, որտեղ կարիքը կա: Միայն անցած երեք ամիսների ընթացքում մարդասիրական օգնություն է ուղարկվել Ֆրանսիական Պոլինեզիա, Մոնդոլիա, Բուլիվիա, Պերու, Արիզոնա, Մեքսիկա, Պորտուգալիա, Ուգանդա և այլ վայրեր: Վերջերս, մենք օգնություն տրամադրեցինք Հաիթիին և Չիլիին կործանարար երկրաշարժերից և ցունամիներից հետո: Մենք մեր սերն ենք արտահայտում այդ աղետներից տուժած Եկեղեցու մեր անդամների հանդեպ: Դուք մեր աղոթքներում եք: Մենք մեր խոր երախտագիտությունն ենք հայտնում ձեզ բոլորին, որ պատրաստակամ օգնեցիք մարդասիրական մեր ծրագրերում, կիսվելով ձեր միջոցներով, և շատ դեպքերում, ձեր ժամանակով, տաղանդներով և փորձով:

25 տարի է, ինչ մեր մարդասիրական ծրագիրը դարձավ բարօրության մեր ջանքի մասը: Այս ծրագրին օգնողների թիվը հնարավոր չէ չափել: Մենք միշտ կաշխատենք լինել առաջինը աղետի վայրում, որտեղ էլ այն պատահի:


Եկեղեցին շարունակում է աճել և առաջ գնալ: Տաճարների կառուցումը այդ աճի ցուցանիշն է: Վերջերս մենք հայտարարել ենք նոր տաճարի կառուցման մասին Փեյտսում, Յուտա: Մենք նաև հայտարարել ենք ապագա խոշոր վերանորոգումների մասին Օգդեն Յուտա Տաճարում: Հաջորդ երեք ամիսների ընթացքում մենք կնվիրագործենք նոր տաճարներ Վանկոպերում, Բրիտանական Կոլումբիա, Գիլա Վելիում, Արիզոնա, և Սիբու Սիթիում, Ֆիլիպիններ: Տարվա վերջում կնվիրագործվեն և վերանվիրագործվեն այլ տաճարներ: Մենք կշարունակենք կառուցել տաճարներ ողջ աշխարհով մեկ, մինչև մեր անդամների թիվն աճում է: Ամեն տարի միլիոնավոր ծեսեր են կատարվում տաճարներում մեր մահացած հարազատների համար: Եկեք շարունակենք հավատարմությամբ կատարել այդ ծեսերը նրանց համար, ովքեր չեն կարող դա անել իրենց համար:



Շատերդ գիտեք, որ հոկտեմբերի համաժողովից քիչ անց, իմ սիրելի կինը, Ֆրենսիսը, ընկել էր և կոտրել ազդրը և վնասել ուսը: Երկու հաջող վիրահատություններից և մի քանի շաբաթ հիվանդանոցում անցկացնելուց հետո նա կարողացավ վերադառնալ տուն: Նա լավ է և գնում է դեպի լիարժեք ապաքինում: Նա կարողացավ անցած կիրակի մասնակցել Երիտասարդ Կանանց Գերագույն ժողովին և պատրաստվում է այս շաբաթ-կիրակի ներկա լինել մեկ-երկու նիստի: Վերջին պահին նա ասաց. «Ես այսօր գնում եմ»: Եվ նա այստեղ է: Նա ինձ հետ միասին արտահայտում է մեր խորին նրախտագիտությունը մեր Երկնային Հորը և ձեզ՝ ձեր աղոթքների և բարի մաղթանքների համար:

Այժմ, եղբայրներ և քույրեր, մենք եկել ենք այստեղ ուսուցում և ոգեշնչում ստանալու: Մենք ողջունում ենք նրանց, ովքեր նոր են Եկեղեցում: Կան, ովքեր մաքառում են խնդիրների, դժվարությունների, հուսահատության և կորուստների մեջ: Մենք սիրում ենք ձեզ և մենք աղոթում ենք ձեզ համար: Հաջորդ երկու օրերի ընթացքում ավետարանի տարբեր թեմաներով բազմաթիվ ելույթներ կհնչեն: Այն տղամարդիկ և կանայք, ովքեր կդիմեն ձեզ, խնդրել են երկնքի օգնությունը իրենց խոսքը ձեզ հղելու համար:

Իմ աղոթքն է, որ մենք կարողանանք լցվել Նրա Հոգով, լսելով և սովորելով: Դրա համար ես աղոթում եմ մեր Տեր և Փրկիչ՝ Հիսուս Քրիստոսի անունով, ամեն: ■



**Նախագահ Բոյդ Բ. Փայեր**  
Տասներկու Առաքյալների Բվորումի Նախագահ

## Քահանայության զորությունը

*Քահանայությունը չունի սցենար, որ պետք է ունենա, և չի էլ ունենա, մինչև որ քահանայության զորությունը վճռակալորեն շիաստատովի ընտանիքներում ինչպես հարկն է:*

**Խ**ոսքս ուղղում եմ ընտանիքների հայրերին և Եկեղեցու բոլոր ընտանիքներին:

Տարիներ առաջ Նախագահ Հարոլդ Բ. Լիի ղեկավարության ներքո մենք սկսեցինք վերափոխումների շարք: Այդ ժամանակ Նախագահ Թոմաս Ս. Մոնտոնն ասաց. «Այսօր, մենք բանակ ենք հավաքվել ամենատարբեր տեսակի մեղքերի, անառակության և չարիքի դեմ, որ երբևէ մեր աչքերը տեսնել են ... ճակատամարտի ծրագիրը, որով մենք կռվում ենք փրկելու մարդկանց հոգիները, մերը չէ: Այն [եկել է] Տիրոջ ոգեշնչման և հայտնության միջոցով»:<sup>1</sup>

Համակարգման այդ տարիներին, Եկեղեցու ողջ գործող կազմը փոխվեց: Ընդհանուր ծրագիրը վերակազմվեց: Կազմակերպությունների նպատակները և միմյանց հետ հարաբերությունները վերասահմանվեցին: Այդ փոփոխությունների և վերակառուցման տարիների հիմնական բառը *քահանայությունն* էր:

Նախագահ Մոնտոնը նաև խոսեց Հին Կտակարանի հերոս՝ Գեդեոնի մասին: Գեդեոնը ընտրված էր ղեկավարելու Իսրայելի բանակները՝

հազարավոր ուժեղ մարտիկների: Բայց նրանցից նա ընտրեց միայն 300 հոգու:

Գեդեոնը իր նորակոչիկ զինվորներին հետաքրքիր ձևով ընտրեց: Երբ տղամարդիկ ջուր էին խմում աղբյուրից, շատերը «խմելու համար փորի վրա պառկում էին»: Նրանց նա ուշադրություն չդարձրեց: Մի քանիսը ձեռքով էին ջուրը վերցնում ու խմում, լիովին զգոն մնալով, նրանց էլ նա ընտրեց:<sup>2</sup>

Մենք ապրում ենք «պատերազմների, պատերազմների համբավների և զանազան տեղերում երկրաշարժերի»<sup>3</sup> օրերում: Ըստ մարգարեության «ողջ երկիրը խառնաշփոթի մեջ [է]»,<sup>4</sup> և «Սատանան դրսում է, երկրի վրա»:<sup>5</sup> Նա ջանում է կործանել այն, ինչը բարի է և արդար:<sup>6</sup> Նա Լյուցիֆերն է, որը դուրս էր գցվել Աստծո ներկայությունից:<sup>7</sup> Այդ ամենին հակառակ, մենք շատ դրականորեն ենք տրամադրված ապագայի հանդեպ:

Գեդեոնի փոքր բանակը հաջողություն ունեցավ, որովհետև ինչպես կտակարանն է հաստատում. «Ամեն մարդ իր տեղը կանգնել էր»:<sup>8</sup> Այս «ժամանակների լրության